



**Federación
Galega de
Atletismo**



CIRCULAR

Praza Agustín Díaz, s/n - 15008 - A Coruña.
T. +34 981 291 683 - federacion@atletismo.gal
atletismo.gal - carreirasgalegas.com

C.I.F. G15103500



**DEPORTE
GALEGO**

CIRCULAR 76-2025.

XI CAMPIONATO XUNTA DE GALICIA DE CLUBS DE PROBAS COMBINADAS AIRE LIBRE E CRITERIUM DE COMBINADAS

Art.1).- A Federación Galega de Atletismo organiza, o 3 e 4 de maio na pista de atletismo de Balaídos (Vigo), o Criterium e Campionato Xunta de Galicia de Clubs de Probas Combinadas.

Art.2).- Poderán participar os 8 clubs masculinos e femininos que, na inscrición, presenten maior suma de puntos nas seguintes condicións:

- É preciso inscribir a 3 ou 4 atletas por equipo.
- A suma de puntos realizarase coas 3 mellores marcas nas probas combinadas.
- Terán validez as marcas obtidas nas categorías Sub 16, Sub 18, Sub 20, Sub 23, Sénior e Máster, por atletas con licenza en vigor.
- As combinadas Máster puntuarán sen aplicación de coeficientes de idade. ([pódense calcular no "Documento de Inscrición" publicado premendo aquí](#))
- Serán válidas as marcas realizadas nas tempadas 2024 e 2025, tanto nas combinadas de aire libre como nas de pista curta, por atletas con licenza en vigor polo club participante ou asociado, aínda que teñan estado noutro club no 2024.
- Poderá participar 1 atleta de club asociado por equipo.

Reservaranse 8 prazas en mulleres e en homes para atletas que, non formando parte dun equipo, presenten mellor marca ou mellor suma de puntos das probas individuais que compoñan a súa combinada.

- Segundo acordo da Asemblea, só poden participar atletas que acrediten, dende o 1 de xaneiro de 2024, rexistros no 40% das probas que compoñan a combinada na que participen e que, dentro de eses rexistros, se acredite marca nun mínimo dunha carreira, un salto e un lanzamento.
- A comparación entre marcas de diferentes combinadas realizarase por media de puntos, obtida esta dividindo os puntos totais entre o número de probas disputadas.



**Federación
Galega de
Atletismo**



CIRCULAR

Praza Agustín Díaz, s/n - 15008 - A Coruña.

T. +34 981 291 683 - federacion@atletismo.gal

atletismo.gal - carreirasgalegas.com

C.I.F. G15103500



**DEPORTE
GALEGO**

Art.3).- As inscricións realizaranse ata as 20:00 horas do xoves 24 de abril enviando un correo electrónico a direcciontecnica@atletismo.gal e atendendo ás seguintes premisas:

- **Cada club deberá remitir a direcciontecnica@atletismo.gal o "Documento de Inscripción" publicado na web da FGA ([pode acceder premendo aquí](#)), onde deberá cubrir a folla "Inscricións" indicando, de ser o caso, os atletas que conforman o equipo, así como as posibles inscricións individuais. En todo caso indicarse a marca, así como o lugar e a data da mesma.**
- Aqueles atletas que participen de xeito individual e, non tendo marca en probas combinadas, queiran realizar a inscrición por suma de puntos nas probas individuais, realizadas estas a partir do 1 de xaneiro de 2024, deberán cubrir e remitir a direcciontecnica@atletismo.gal o documento "Documento de Inscripción" publicado na web ([pode acceder premendo aquí](#)). Onde deberán cubrir a folla "Sumatorio individuais".
- Existirá unha cota de inscrición de 4 euros por atleta para aqueles que participen de xeito individual.

Art.4).- Prazo de reclamacións e renuncias.

- Rematará ás 14:00 horas do luns 28 de abril e serán remitidas a direcciontecnica@atletismo.gal

Art.5).- Os/as atletas deberán utilizar o dorsal outorgado pola organización, de forma visible en toda a súa superficie.

- Será responsabilidade dos atletas levar consigo imperdibles ou calquera outro sistema para a súa colocación.

Art.6).- A presentación de artefactos persoais para a súa homologación pechará, cada xornada, 50' antes do comezo da súa combinada.

Art.7).- Cada equipo poderá efectuar 1 troco sobre a inscrición inicial ata 20 minutos antes do peche de cámara de chamadas da primeira proba.

Art.8).- Os/as participantes deberán acceder á Cámara de chamadas provistos dun documento de identificación oficial ou licenza federada en formato dixital con foto.

Art. 9).- Horario Provisional.

Publicarase o horario unha vez rematado o prazo de comunicación de baixas.

Celebrarase o Cto. nas seguintes xornadas:

Sábado: Xornada de mañá e tarde.

Domingo: Xornada de mañá e tarde.



Art.10).- Habará trofeos para os tres primeiros clubs masculinos e femininos clasificados a nivel absoluto.

- Puntuarán para a clasificación as 3 mellores marcas por equipo, independentemente da súa categoría.
- As combinadas Máster puntuarán sen aplicación de coeficientes de idade.
- Os clubs que non puntúen con 3 atletas, clasificarán detrás dos equipos que si o fagan.

Art.11).- A responsabilidade das inscricións dos atletas, salvo que sexan independentes, corresponderá ao seu club. Aplicaranse as seguintes penalizacións:

- Inscricións fóra de prazo:
 - o Deberán ser enviadas a direcciontecnica@atletismo.gal para a súa valoración:
 - Individuais: 10 € por atleta.
 - Clubs: 25 € por equipo.
- Aqueles clubs que, logo do prazo de reclamacións e renuncias, comuniquen a súa baixa ou non participen da competición, terán unha penalización de 50€ por equipo, salvo causa xustificada e acreditada por escrito á FGA a través do correo competicion@atletismo.gal antes de superadas as 48 horas dende o inicio da competición.
- Calquera baixa no criterium, nas 48 horas previas ao inicio da competición ou a non participación final, levará asociada o cobro da cota de inscrición xunto cunha sanción de 5€, salvo causa xustificada e acreditada por escrito á FGA a través do correo competicion@atletismo.gal antes de superadas as 48 horas dende o inicio da competición.
- Non acreditar a veracidade nas inscricións enviadas á FGA: 6 euros por atleta con datos falsos.

Art.12).- Todo o non disposto no presente regulamento resolverase, por esta orde, de acordo as normas da F.G.A., R.F.E.A. e World Athletics.

A Coruña, a 04 de abril do 2025

Yolanda González Fernández
Secretaria Xeral da Federación Galega de Atletismo